
ЕВРОПАНИНГ НУФУЗЛИ ЖУРНАЛИ ФАРҒОНА ВИЛОЯТИНИНГ ТУРИСТИК САЛОҲИЯТИНИ ЎРГАНМОҚДА

Бугун, 26 июль куни Белгиянинг “Diplomatic World” журнали лойиҳалар бўйича таҳлилий марказ менежери Алберто Туркстра Фарғона вилоятига ташриф буюрди.

Меҳмонни вилоят "Тадбиркорлар уйи"да вилоят ҳокими ўринбосари - вилоят Туризм ва спорт бошқармаси бошлиғи Хуршид Аҳмедов қабул қилди.

Учрашувда меҳмонларга вилоятнинг туристик салоҳияти, маданий мерос объектлари тўғрисида атрофлича маълумотлар берилди.

“Diplomatic World” журнали маъмурияти билан шу йилнинг сентябрь ойида Ўзбекистон Республикаси давлат мустақиллигининг 30 йиллигига бағлишланган махсус сон нашри, унда ёритиладаган мақолалар тўғрисида мулоқот амалга оширилди.

Шундан сўнг, “Diplomatic World” журнали менежери Алберто Туркстра Фарғона вилояти бўйлаб материалларни; интервью, мақола, фотосуратларни жамлаш мақсадида Марғилон, Риштон ва Қўқон шаҳарларига ижодий сафарга йўл олди.

Маълумот учун, “Diplomatic World” журнали дунё мамлакатларидаги сиёсий, бизнесга оид, молиявий, санъат ва маданият соҳасидаги янгиликларни ҳар чоракда рақамли ва босма форматда чоп этиб боради. Ушбу журнал Брюсселда аккредитация қилинган. Европарламент аъзолари, ЕИ раҳбарияти, ишбилармонлар доираси, дипломатик корпус ва халқаро ташкилотлар ўртасида тарқатилади.

[Бизни ижтимоий тармоқларда кузатинг Facebook,](#)
2021-07-26 15:15:36